

- 45 quid lacrimas? *AE.* pater, obsecro, auscultā. *MI.*
 Aeschine, audivi omnia
 et scio; nam tē amo, quo magis quā agi' curae sunt mihi. 680
AE. ita velim me promerentem ames dum vivas, mi pater,
 ut me hoc delictum admisisse in me, id mihi vehementer
 dolet
 et me tuū pudet. *MI.* credo hercle, nam ingenium novi tuom
 50 liberale; sed vereor ne indiligens nimium sies.
 in qua civitate tandem te arbitrare vivere? 685
 virginem vitiasti quam te non ius fuerat tangere.
 iam id peccatum primum sane magnum, at humanum tamen:
 fecere alii saepe item boni. at postquam id evenit, cedo
 55 numquid circumspexisti? aut numquid tute prospexisti tibi
 quid fieret, qua fieret? si te mi ipsum puduit proloqui, 690
 qua resciscerem? haec dum dubitas, menses abierunt decem.
 prodidisti te et illam miseram et gnatum, quod quidem in te
 fuit.
 quid? credebas dormienti haec tibi confecturos deos?
 60 et illam sine tua opera in cubiculum iri deductum domum?
 nolim ceterarum rerum te socordem eodem modo. 695
 bono animo es, duces uxorem. *AE.* hem. *MI.* bono
 animo es inquam. *AE.* pater,
 obsecro, nunc ludi' tu mē? *MI.* ego te? quā ob rem?
AE. nescio:
 quia tam misere hoc esse cupio verum, eo vereor magis.
 65 *MI.* abī domum ac deos conprecare ut uxorem accersas: abi.